

Estimato Dominio Professore: -

Secundum consilio de D^{re} E. Stamm
me precor Vos - Estimato Dominio Professore - to mitti
ad me Vestro "Vocabulario commune".

Sed me vol-bi to sci antea pretio de isto
libro, nam valuta nostro sta non bene in com=
paratione ad valutas extraneas.

Me es magno amico de "Latino sine flexione"
et vol to disci isto eccellente scientifico lingua
internationale, quo realifici (:réalise:) idea
de communitate et de internationalitate
de scientia humana.

Me praeporri "Latino s. fl." super alio linguas
"internationales": - Esperanto - Ido - Idiom Neutral,
nam illo linguas es in realitate parodia
et caricatura de linguas romano et es supe=
rato per lingua anglo, quo habe magis simplice
structura grammatico quam illo bizarre "linguas
mundiales".

"Latino s. fl." appare ad me valde valoroso:
per suo facile et melodico phonetica et per
facilitate de suo grammatica.

verte!

Me puta, que "Latino s. fl." debe to obtine
in parvo tempore applicatione in omne publica-
tiones ad usu internationale, in omne diurnales
et circulares de Universitates et Academias
de scientias atque in diplomatia et commercio.

Me vol to propaga "Latino s. fl." in Polonia
et scribe breve manuale de isto lingua.

Prof. Banachiewicz, directore de Observatorio
astronomico cracoviense, i scribe ad me, que
Prof. Dickstein de Varsavia i proponi ad eo
to componi in lingua Polonico vocabulario de "Latino".

Me rogo Vos - Estimato Domino Professore -
to vol to obtine ab me confirmatione
de meo profundo consideratione

Miśław de Jozierski

1921, IX, 28.

Polonia,
Cracovia,
via Krasiniski nro 19.

Inotto a Banachiewicz b. X. 1921.

1921.01.2 fogli. Documento n. IX, ed. Car.
e cartolina.